

Na osnovu člana 33. Statuta Udruženja sudija/sudaca u Federaciji Bosne i Hercegovine, na prijedlog Predsjedništva Udruženja, na redovnoj skupštini Udruženja, održanoj dana 13.11.2021. godine, Skupština Udruženja donosi sljedeća:

**PRAVILA O POSTUPKU PRED SUDOM ČASTI
UDRUŽENJA SUDIJA/SUDACA U FEDERACIJI
BOSNE I HERCEGOVINE**

I. OPŠTE ODREDBE

Član 1.

U cilju dosljedne primjene Statuta i Etičkog kodeksa Udruženja sudija/sudaca u Federaciji BiH (u daljem tekstu Udruženja), u postupku utvrđivanja povreda pravila, učinjenih od strane sudija članova Udruženja, Skupština Udruženja utvrđuje Pravila o postupku pred Sudom časti Udruženja (u daljem tekstu Pravila).

Član 2.

Postupak pred Sudom časti sprovodi se u skladu sa ovim Pravilima, s ciljem poštivanja odredaba Statuta Udruženja i Etičkim kodeksom Udruženja, uz shodnu primjenu Zakona o parničnom postupku Federacije Bosne i Hercegovine.

II. POSTUPAK PRED SUDOM ČASTI

Član 3.

Predsjednik Udruženja podnosi prijedlog za pokretanje postupaka pred Sudom časti, uz navođenje činjenica i saznanja o mogućim kršenjima Statuta i Etičkog kodeksa koje predstavljaju radnje ugrožavanja rada Udruženja i ugleda sudijske funkcije.

Inicijativu za pokretanje postupka pred Sudom časti, predsjedniku Udruženja može podnijeti svaki član Udruženja usmeno ili pismeno Predsjedniku Udruženja.

Sudije koje su izabrani članovi Suda časti po čl. 65 Statuta, zakazuju sjednicu na kojoj između sebe biraju predsjedavajućeg Suda koji prethodno ispituje o dopuštenosti prijave.

Ako je prijavu podnijela neovlaštena osoba Sud časti će prijavu Odlukom odbaciti.

Član 4.

Ako je prijava dopuštena, Predsjedavajući Suda časti istu dostavlja prijavljenom članu Udruženja na izjašnjenje, sa pravom da u roku od osam dana dostavi pismeni odgovor.

Prijavljeni član Udruženja može dostaviti pismeni odgovor, u kojem će dati odgovor na prijavu, a može tražiti i da bude saslušan pred Sudom časti.

Nakon prijema odgovora na prijavu i/ili saslušanja prijavljenog člana Udruženja, Sud časti donosi Odluku kojom izriče mjeru propisanu čl. 68 Statuta i čl. 8 Pravila.

Član 5.

Predsjedavajući Suda časti zakazuje raspravu, na kojoj se iznosi odgovor prijavljenog sudije člana Udruženja, izvode dokazi, nakon čega se zaključuje rasprava.

Sud časti nakon glasanja donosi odluku, kojom utvrđuje povredu pravila Statuta ili Etičkog kodeksa, ili odbija prijavu kao neosnovanu.

Član 6.

Odluka sadrži uvod, izreku, obrazloženje i potpise svih članova Suda časti.

Odluku izrađuje predsjedavajući Suda časti.

Odluka se dostavlja sudiji članu Udruženja u roku od 30 dana od zadnje provedene radnje u postupku.

Odluka će se dostaviti i Predsjedniku Upravnog odbora, koji će o istoj upoznati Upravni odbor po konačnosti i pravosnažnosti iste.

Član 7.

Mjere koje Sud časti donosi zavise o težini povrede i mogu biti:

1. opomena,
2. javna opomena,
3. isključenje,

Član 8.

Ukoliko član Udruženja ne da odgovor na prijavu na pokretanje postupka, smatrat će se da u cijelosti osporava navode koji mu se stavljaju na teret, pa će Sud časti donijeti odluku bez njegovog saslušanja na osnovu raspoloživih dokaza.

Član 9.

Sudija član Udruženja za kojeg je Odlukom Suda časti utvrđeno da je počinio disciplinsku povredu i/ili prekršio Etički kodeks Udruženja i kojem je izrečena mjera opomene i javne opomene nema pravo žalbe, a Odluka je konačna.

Na Odluku Suda časti o izrečenoj mjeri isključenja, sudija član Udruženja ima pravo žalbe s rokom od osam dana od dana prijema odluke.

O žalbi na Odluku Suda časti odlučuje Upravni odbor u roku od 30 dana.

III. PRELAZNE ZAVRŠNE ODREDBE**Član 10.**

Evidencija o postupcima pred Sudom časti se pohranjuje u arhivi Udruženja.

Evidenciju o izrečenim mjerama članovima Udruženja vodi Upravni odbor Udruženja u registru člana Udruženja protiv kojeg je vođen postupak.

Član 12.

O izmjenama i dopunama ovih Pravila, na prijedlog Upravnog odbora Udruženja sudija, odlučuje Skupština Udruženja.

Član 13.

Ova Pravila stupaju na snagu danom donošenja.

Danom stupanja na snagu ovih Pravila prestaju da važe Pravila donesena u junu 1999 godine.

Predsjednica Skupštine

Božana Banduka

Broj: 46-3/21

Mjesto i datum : Sarajevu, 13.11.2021. godine.